

傷寒要旨藥方

二

朱子

朱子

傷寒要旨藥方

炮炙煎煮例

凡湯皆咬咀謂剉如麻豆大利湯欲生宜少水而多取也補湯欲熟

凡散皆杵羅細末

凡用生薑大棗竹葉粳米苦薑實皆煎時入也膠飴朴硝麝阿膠皆湯成去滓後再入煎一沸令勻

凡方稱熬者皆為炒篩者謂羅

厚朴去皮生薑汁炙

甘草炙

枳實去穰麩炒宜用商州大枳殼佳

牡礪熬

大黃本法用清酒洗今或於飯甑中略蒸過或濕紙裹微煨

杏仁去皮尖

犀角鎊取屑

棗擘破者



麥門冬去心杵

半夏湯洗七遍

鱉甲湯浸刮洗淨醋炙焦黃

生地黄如無即用乾地黄五兩當生者一斤
桂削去厚皮至有味處止

芒硝如無只用朴硝

橘皮去穰

附子炮裂去皮每箇作八片

麻黃去根節

脉浮而緊浮則為風緊則為寒風則傷衛
寒則傷榮榮衛俱病骨節煩疼可發其汗
陽明中風脉弦浮大而短氣腹都滿脇下
及心痛久按之氣不通鼻乾不得汗嗜臥
一身及目悉黃小便難有潮熱時時噦耳
前後腫刺之小差外不解過十日脉續浮
者與小柴胡湯脉但浮無餘證者與本湯
不溺腹滿加噦者不治

大青龍湯

二證

太陽中風脉浮緊發熱惡寒身疼痛不汗
出而煩躁者本湯主之若脉微弱汗出惡
風者不可服之服之則厥逆筋惕肉瞤此
為逆也

傷寒脉浮緩身不疼但重乍有輕時無少
陰證者以本湯發之

小青龍湯 二證

傷寒表不解心下有水氣乾嘔發熱而欬
或渴或利或噎或小便不利小腹滿或喘

各隨證加減用藥
有法見本方中

傷寒心下有水氣欬而微喘發熱不渴服
湯已渴者此寒去欲解也本湯主之

乾薑附子湯 一證

下之後復發汗晝日煩躁不得眠夜而安
靜不嘔不渴無表證脉沉微身無大熱者

新加湯 一證

發汗後身疼痛脉沉遲者

麻黃杏子甘草石膏湯 一證

發汗後不可更行桂枝湯汗出而喘無大熱者與本湯

白虎加人參湯 五證

服桂枝湯大汗出後大煩渴不解脈洪大者

傷寒若吐若下後七八日不解熱結在裏表裏俱熱時時惡風大渴舌上乾躁而煩欲飲水數升者

傷寒無大熱口躁渴心煩背微惡寒

陽明病若渴欲飲水口乾舌躁

傷寒脈浮發熱無汗其表不解不可與白虎湯渴欲飲水無表證者本湯

桂枝甘草湯 一證

發汗過多其人叉手自冒心心下悸欲得按者

茯苓桂枝甘草大棗湯 證

發汗後其人臍下悸者欲作奔豚

厚朴半夏生薑甘草人參湯 一證

發汗後腹脹滿者

伏苓桂枝白朮甘草湯 一證

傷寒若吐若下後心下逆滿氣上衝胃起則頭眩脉沉緊發汗則動經身為振振搖者

芍藥甘草附子湯 一證

發汗病不解反惡寒者虛故也此湯王之

伏苓四逆湯 一證

發汗若下之病仍不解煩躁者

五苓散 七證

太陽病發汗後大汗出胃中乾煩躁不得眠欲得飲水者少少與飲之令胃氣和則愈若脉浮小便不利微熱消渴者

發汗已脉浮數煩渴者

中風發熱六七日不解而煩有表裏證渴欲飲水水入則吐名曰水逆本湯主之

本以下之故心下痞與瀉心湯痞不解其

人渴而口躁煩小便不利者

一方云忍之一日乃愈

太陽病寸緩關浮尺弱其人發熱汗出復

梔子豉湯

梔子甘草豉湯梔子
生薑豉湯附六證

發汗後水藥不得入口為逆若更發汗必吐下不止發汗吐下後虛煩不得眠若劇者必反覆顛倒心中懊懣本湯主之若少氣者梔子甘草豉湯若嘔者梔子生薑豉湯

發汗若下之而煩熱胃中空者

傷寒五六日大下之後身熱不去心中結痛者未欲解也

陽明病脈浮而緊咽燥口苦腹滿而喘發熱汗出不惡寒反惡熱身重若發汗則躁心憤憤反譏語若加溫針必怵惕煩躁不得眠若下之則胃中空虛客氣動膈心中懊懣舌上胎者

陽明病下之其外有熱手足溫不結胃心中懊懣飢不能食但頭汗出者

厥陰下利後更煩按之心下濡者為虛煩也

梔子甘草豉湯

太陽病發汗吐下後虛煩不得眠若劇者必反覆顛倒心中懊懣梔子豉湯主之若少氣者本湯

梔子生薑豉湯

太陽病發汗吐下後虛煩不得眠若劇者必反覆顛倒心中懊懣梔子豉湯主之若嘔者本湯

梔子乾薑湯 一證

傷寒醫以圓藥大下之身熱不去微煩者梔子厚朴湯

傷寒下後心煩腹滿卧起不安者

真武湯 二證

太陽病發汗汗出不解其人仍發熱心下悸頭眩身瞤動振振欲擗地者

少陰病二三日不已至四五日腹痛小便不利四肢沉重疼痛自下利者此為有水氣其人或欬或小便利或下利或嘔

有加減法見方中

禹餘糧圓

本方關一證

汗家重發汗必恍惚心亂小便已陰腫者

四逆湯 十三證

傷寒醫下之續得下利清穀不止身疼痛者急當救裏後身疼痛清便自調者急當救表救裏本湯

病發熱頭痛脈反沉若不差身體疼痛當救其裏

陽明病脈浮而遲表熱裏寒下利清穀

五十一

二十六

三十一

少陰病飲食入口則吐心中溫溫欲吐復不能吐始得之手足寒脈弦遲者此胃中實不可下也當吐之若膈上有寒飲乾嘔者不可吐也當溫之

自利不渴者屬太陰以其臟有寒故也當溫之

少陰病脈沉者急溫之

厥陰病大汗出熱不去內拘急四肢疼又下利厥逆而惡寒者

傷寒大汗若大下利而厥冷者

下利腹脹滿身體疼痛者先溫其裏乃攻其表

厥陰病嘔而脈弱小便復利身有微熱見厥者難治

霍亂吐利汗出發熱惡寒四肢拘急手足厥冷

既吐且利小便復利而大汗出下利清穀內寒外熱脈微欲絕者

大汗若大下而厥冷者此湯

小柴胡湯 十一證

傷寒五六日中風往來寒熱胸脇苦滿嘿嘿不欲飲食心煩喜嘔或胸中煩而不嘔或渴或腹中痛或脇下痞硬或心下悸小便不利或不渴身有微熱或欬又有隨證加減法載本方中

血弱氣盡勝理開邪氣因入與正氣相搏結於脇下正邪分爭往來寒熱休作有時

嘿嘿不欲飲食臟腑相連其痛必下邪高
痛下故使嘔也本湯主之服本湯已渴者
屬陽明以法治之

傷寒四五日身熱惡風頸項強脇下滿手
足溫而渴者

婦人中風七八日續得寒熱發作有時經
水適斷者此為熱入血室其血必結故使
作瘧狀發作有時

傷寒五六日頭汗出微惡寒手足冷心下

滿口不欲食大便硬脉細者此為陽微結

必有表復有裏也脉沉亦在裏也汗出為
陽微假令純陰結不得復有外證悉入在
裏此為半在裏半在外也脉雖沉緊不得
為少陰病所以然者陰不得有汗今頭汗
出故知非少陰也可與本湯設不了了者
得屎而解

陽明病發潮熱大便溏小便自可胃脇滿
不去者

陽明病脇下硬滿不大便而嘔舌上白胎者與本湯上焦得通津液得下胃氣因和身濺然汗出而解

陽明中風脉弦浮大而短氣腹都滿脇下及心痛久按之氣不通鼻乾不得汗嗜卧一身及目悉黃小便難有潮熱時時噦耳前後腫刺之小差外不解病過十日脉續浮者

本太陽病不解轉入少陽者脇下硬滿乾嘔不能食往來寒熱尚未吐下脉沉緊者厥陰病嘔而發熱者

傷寒差以後更發熱本湯主之脉浮者以汗解之脉沉實者以下解之

大柴胡湯 七證

太陽病過經十餘日反二三下之後四五日柴胡證仍在者先與小柴胡嘔不止心

下急

一云嘔止小安

鬱鬱微煩者為未解也與本湯

下之

傷寒發熱汗出不解心中痞硬嘔吐而下利者

陽明病發

病腹中滿痛者此為實也當下之宜大承氣大柴胡

傷寒後脉沉沉者內實也下之解

太陽病未解脉陰陽俱停一作微必先振慄

汗出而解但陰脉微一作尺脉實者下之而解

病人無表裏證發以於七八日雖脉浮數者

可下之

小建中湯

證

傷寒陽脉嗇陰脉弦法當腹中急痛先與本湯不差者小柴胡主之

傷寒二三日心中悸而煩者

柴胡加芒銷湯

一證

傷寒十三日不解胃脘滿而嘔日晡所發潮熱已而微利此本柴胡下之以不得利今反利者知醫以圓藥下之此非其治也

潮熱者實也先宜服小柴胡以解外後以本湯主之

柴胡加龍骨牡礪湯 一證

傷寒八九日下之胃滿煩驚小便不利譫語一身盡重不可轉側者

桂枝去芍藥加蜀漆牡礪龍骨救

逆湯 一證

傷寒脉浮醫以火迫劫之亡陽必驚狂卧起不安者

桂枝加桂湯 一證

太陽病燒針令其汗針處被寒核起而赤者必發奔豚氣從小腹上衝心者灸其核上各一壯與本湯所以加桂者以能泄奔豚氣也

桂枝甘草龍骨牡礪湯 一證

火逆下之因燒針煩躁者

桃核承氣湯 一證

太陽病不解熱結膀胱其人如狂血自下

下者愈其外不解者尚未可攻當先解其
外外解已但小腹急結者乃可攻之以此
湯

抵當湯 四證

太陽病六七日表證仍在脉微而沉反不
結胃其人發狂者以熱在下焦小腹當硬
滿小便自利者下血乃愈所以然者以太
陽隨經瘀熱在裏故也

太陽病身黃脉沉結小腹硬小便不利者

為無血也小便自利其人如狂者血證諦
也

陽明證其人喜忘者必有畜血所以然者
本有久瘀血故令喜忘屎雖硬大便反易
其色必黑者

病人無表裏證發熱者七八日雖脉浮數
者可下之假令已下脉數不解合熱則消
穀喜飢至六七日不大便者有瘀血

抵當圓 一證

傷寒有熱小腹滿應小便不利今反利者為有血也當下之不可餘藥宜抵當圓

大陷胃圓 一證

病發於陽而反下之熱入因作結胃發於陰而反下之因作痞也所以成結胃者以下之太早故也結胃者項亦強如柔瘕狀下之則和此藥主之

大陷胃湯 四證

太陽病脈浮而動數浮則為風數則為熱

要言

二二

一月

動則為痛數則為虛頭痛發熱微盜汗出而反惡寒者表未解也醫反下之動數變遲膈內拒痛胃中空虛客氣動膈短氣躁煩心中懊懣陽氣內陷心下因硬則為結胃此湯主之若不結胃但頭汗出餘處無汗劑頸而還小便不利身必發黃

傷寒六七日結胃熱實脈沉而緊心下痛按之石硬者

太陽病重發汗而復下之不大便五六日

舌上躁而渴日晡所小有潮熱一云日晡所發心胃大煩從

心下至小腹硬滿而痛不可近者

傷寒五六日嘔而發熱者柴胡湯證具而

以他藥下之柴胡證仍在者復與柴胡湯

此雖已下之不為逆必蒸蒸而振却發熱

汗出而解若心下滿而硬痛者此為結胃

也此湯主之但滿而不痛者此為痞柴胡

不中與之屬半夏瀉心湯

小陷胃湯 一證

小結胃病正在心按之則痛脉浮滑者

文蛤散 一證

病在陽應以汗解之反以冷水澀之若灌

之其熱被却不得去彌更益煩肉上粟起

意欲飲水反不渴者服本湯若不差者與

五苓散寒實結胃無熱證者與三物小陷

胃湯白散亦可服一云三物小白散

柴胡桂枝湯 二證

傷寒六七日發熱微惡寒支節煩疼微嘔

心下支結外證未去者

發汗過多亡陽譫語者不可下與本湯和其榮衛以通津液後自愈

柴胡桂枝乾薑湯 一證

傷寒五六日已發汗而復下之胃脇滿微結小便不利渴而不嘔但頭汗出往來寒熱心煩者此為未解也

十棗湯 一證

太陽中風下利嘔逆表解者乃可攻之其人挾熱汗出發作有時頭痛心下痞硬滿引脇下痛乾嘔短氣汗出不惡寒者此表未解裏未和也

半夏瀉心湯 一證

傷寒五六日嘔而發熱者柴胡湯證具而以他藥下之柴胡證仍在者復與柴胡湯此雖已下之不為逆必蒸蒸而振却發熱汗出而解若心下滿而硬痛者此為結胃也大陷胃湯主之但滿而不痛者此為痞

柴胡不中與之宜是湯

此段已見大陷胸條下

大黃黃連瀉心湯

三證

太陽病醫發汗遂發熱惡寒因復下之心下痞表裏俱虛陰陽氣並竭無陽則陰獨復加燒針因胃煩面色青黃膚濇者難治今色微黃手足溫者易愈

心下痞按之濡其脈關上浮者此湯主之傷寒大下後復發汗心下痞惡寒者表未解也不可攻痞先當解表表解乃可攻痞解表宜桂枝湯攻痞宜此湯

附子瀉心湯

一證

心下痞而復惡寒汗出者

生薑瀉心湯

一證

傷寒汗出解之後胃中不和心下痞硬乾噫食臭脇下有水氣腹中雷鳴下利者

甘草瀉心湯

一證

傷寒中風醫反下之其人下利日數十行穀不化腹中雷鳴心下痞硬而滿乾嘔心

煩不得安醫見心下痞謂病不盡復下之其痞益甚此非結熱但以胃中虛客氣上逆故使硬也

赤石脂禹餘糧湯 一證

傷寒服湯藥下利不止心下痞硬服瀉心湯已復以他藥下之利不止以理中與之利益甚理中理中焦此利在下焦屬此湯復不止者當利其小便

旋復代赭湯 一證

傷寒發汗若吐若下解後心下痞硬噫氣不除者

桂枝人參湯 一證

太陽病外證未除而數下之遂脇熱而利下不止心下痞硬表裏不解者

瓜蒂散 二證

病如桂枝證頭不痛項不強寸脈微浮胃中痞硬氣上衝咽喉不得息者此為曾胃有寒也當吐之宜此散

病人手足厥冷脉乍緊者邪結在胃中心
下滿而煩飢不能食者病在胃中當須吐
之

白虎湯 二證

傷寒脉浮滑此以表有熱裏有寒

百問方表寒裏熱則

用白虎此乃反之恐悞也 本湯主之

三陽合病腹滿身重難以轉側口不仁面
垢譫語遺尿發汗則譫語下之則額上生
汗手足逆冷若自汗出者

黃芩湯 二證

太陽與少陽合病自下利者與此湯若嘔
者黃芩加半夏生薑湯

傷寒胃中有熱胃中有邪氣腹中痛欲嘔
吐者此湯

桂枝附子湯 一證去桂加白朮湯一證附

傷寒八九日風濕相搏身體疼煩不能自
轉側不嘔不渴脉浮虛而澹者此湯主之

若其人大便硬 一云臍下 小便自利者去桂

心下硬

加白朮湯主之

甘草附子湯 一證

風濕相搏骨節疼煩掣痛不得屈伸近之則痛劇汗出短氣小便不利惡風不欲去衣或身微腫者

灸甘草湯 一證

傷寒脉結代心動悸此湯主之脉按之來緩時一止復來者名曰結又脉來動而中止更來小數中有還者反動名曰結陰也

要言

二九

法要

脉來動而中上不能自還因而復動者名

曰代陰也得此脉者必難治

大承氣湯 二五證

傷寒不大便六七日頭痛有熱者與承氣湯其小便清者知不在裏續在表也當須發汗若頭痛者必衄宜桂枝湯

陽明病脉遲雖汗出不惡寒者其身必重短氣腹滿而喘有潮熱者此外欲解可攻裏也手足濇然汗出者此大便已硬也屬

此湯若汗多微發熱惡寒者外未解也桂枝湯主之其熱不潮未可與承氣湯若腹大滿不通者可與小承氣湯微和胃氣勿令至大泄下

傷寒若吐若下後不解不大便五六日至十餘日日晡所發潮熱不惡寒獨語如見鬼狀若劇者發則不識人循衣摸床惕而不安一云順衣妄撮惕而不安微喘直視脉弦者生瀆

者死微者但發熱譫語此湯主之一服利

則止後服

陽明病譫語有潮熱反不能食者胃中必有燥屎五六枚也若能食者但硬耳宜本湯下之

陽明病下血譫語者此為熱入血室但頭汗出者刺期門隨其實而寫之澱然汗出則愈汗出譫語者以有燥屎在胃中此為風也須下者過經乃可下之下之若早語言必亂以表虛裏實故也下之愈

二陽併病太陽證罷但發潮熱手足絳絳汗出大便難而讖語者下之則愈

下利脉反滑當有所去下乃愈

下利差至其年月日時復發者以病不盡故也當下之

陽明病下之心中懊懣而煩胃中有燥屎者可攻腹微滿初頭硬後必溏不可攻之若有燥屎者與之

病人煩熱汗出則解又如瘧狀日晡所發熱者屬陽明也脉實者宜下之脉浮虛者宜發汗下之與本湯發汗桂枝湯

大下後六七日不大便煩不解腹滿痛者此有燥屎也所以然者本有宿食故也

病人小便不利大便乍難乍易時有微熱

喘冒一作佛鬱不能卧有燥屎也

得病二三日脉弱無太陽柴胡證煩躁心下硬至四五日雖能食以小承氣湯少少與微和之令小安至六日與承氣湯一升若

不大便六七日小便少者雖不受食大便一云不

但初頭硬後必溏未定成硬攻之必溏須

小便利屎定硬乃可攻之

傷寒六七日目中不了了睛不和無表裏

證大便難身微熱者此為實也急下之

陽明病發熱汗多者急下之

發汗不解腹滿痛者急下之

腹滿不減減不足言當下之

問曰人病有宿食何以別之師曰寸口脉

浮而大按之反濇尺中亦微而濇也故知

有宿食當下之

下利不欲食者以有宿食故也當下之

下利脉遲而滑者內實也利未欲止當下

之

下利三部脉皆平按之心下硬者急下之

陽明少陽合病必下利其脉不負者為順

也負者失也互相尅賊名為負也脉滑而

數者有宿食也當下之

少陰病得之二三日口燥咽乾者急下之
少陰病自利清水色純青心下必痛口乾
燥者可下之

少陰病六七日腹脹不大便者急下之

小承氣湯 五證

陽明病潮熱大便微硬者可與大承氣湯
不硬者不可與之若不大便六七日恐有
燥屎欲知之法少與小承氣湯湯入腹中
轉失氣者此有燥屎也乃可攻之若不轉

五言

三三三

五川

失氣者此但初頭硬後必溏不可攻之必
脹滿不能食也欲飲水者與水則噦其後
發熱者必大便腹硬而少也以此湯和之
不轉失氣者切不可攻也

陽明病其人多汗以津液外出胃中燥大
便必硬硬則讞語本湯主之若一服讞語
止者更莫復服

陽明病讞語發潮熱脉滑而疾者本湯主
之因與一升腹中轉氣者更服一升若不

轉氣者勿更與之明日又不大便脉反微
濇者裏虛也為難治不可更與本湯也

太陽病若吐若下若發汗後微煩小便數
大便因硬者與本湯和之愈

厥陰病下利讖語者有燥屎也宜用本湯
調胃承氣湯 七證

發汗後惡寒者虛故也不惡寒但熱者實
也當和胃氣與此湯

太陽病未解脉陰陽俱停一作微必先振慄

汗出而解但陽脉微者先汗出而解但陰

脉微一作尺脉實者下之而解若欲下之宜本湯

傷寒十三日過經讖語者以有熱也當以

湯下之若小便利者大便當硬而反下利

脉調和者知醫以圓藥下之非其治也若

自下利者脉當微厥今反和者此為內實

也本湯主之

太陽病過經十餘日心下溫溫欲吐而胃

中痛大便反溏腹微滿鬱鬱微煩先此時

自極吐下者與本湯若不爾者不可與但欲嘔胃中痛微溏者此非柴胡湯證以嘔故知極吐下也本湯主之

陽明病不吐不下心煩者可與此湯

太陽病三日發汗不解蒸蒸發熱者屬胃也

傷寒吐後腹脹滿者

茵陳蒿湯 二證

陽明病發熱汗出者此為熱越不能發黃

要方

三二五

黃憲

也但頭汗出身無汗劑頸而還小便不利渴引水漿者此為瘀熱在裏身必發黃傷寒七八日身黃如橘子色小便不利腹微滿者

吳茱萸湯 三證

食穀欲嘔屬陽明也此湯主之得湯反劇者屬上焦也此湯主之

少陰病吐利手足逆冷煩躁欲死者

厥陰病乾嘔吐涎沫頭痛者

麻子仁圓 一證

跌陽脈浮而濇浮則胃氣強濇則小便數
浮濇相搏大便則硬其脾為約此圓主之

梔子蘘皮湯 一證

傷寒身黃發熱者

麻黃連軹赤小豆湯 一證

傷寒瘵熱在裏身必黃者

麻黃細辛附子湯 一證

少陰病始得之反發熱脈沉者

要旨

三二六

三月

麻黃附子甘草湯 一證

少陰病得之二三日此湯微發汗以二三日無證故微發汗也

黃連阿膠湯 一證

少陰病得之二三日以上心中煩不得卧此湯主之

附子湯 二證

少陰病得之一二日口中和其背惡寒者當灸之此湯主之

少陰病身體痛手足寒骨節痛脉沉者

桃花湯 二證

少陰病下利便膿血者

少陰病二三日至四五日腹痛小便不利

下利不止便膿血者

猪膚湯 一證

少陰病下利咽痛胃滿心煩者

甘草湯 一證 桔梗湯附一證

少陰病二三日咽痛者可與此湯不差與

要

三十一

三月

桔梗湯

苦酒湯 一證

少陰病咽中傷生瘡不能言語聲不出者

半夏湯 一證

少陰病咽中痛者

一法以白飲調即云半夏散一法云半夏有毒不當散服以水煎令

小冷少少嘔之當從湯法

白通湯 一證

少陰病下利者

白通猪膽湯 一證

少陰病下利脉微者與白通湯利不止厥逆無脉乾嘔煩者本湯主之服湯脉暴出者死微續者生

通脉四逆湯 二證

少陰病下利清穀裏寒外熱手足厥逆脉微欲絕身反不惡寒其人面色赤或腹痛或乾嘔或咽痛或利止脉不出者

厥陰病下利清穀裏寒外熱汗出而厥此湯主之

四逆散 一證

少陰病四逆其人或欬或悸或小便不利或腹中痛或泄利下重者

烏梅圓 一證

傷寒脉微而厥至七八日膚冷其人躁無暫安時者此為臟厥非蚘厥也蚘厥者其人當吐蚘令病者靜而復時煩者此為臟寒蚘上入其膈故煩須臾復止得食而嘔又煩者蚘聞食臭出其人當自吐蚘蚘厥

者此圓主之又主久利

當歸四逆湯 二證

厥陰病手足厥寒脉細欲絕者

下利脉大者虛也以強下之故也設脉浮革因爾腸鳴者屬此湯

當歸四逆加吳茱萸生薑湯 一證

厥陰病若其人內有久寒者宜服之

麻黃升麻湯 一證

傷寒六七日大下後寸脉沉而遲手足厥

聖言

三十九

三十九

逆下部脉不至咽喉不利唾膿血泄利不止者為難治本湯主之

乾薑黃芩黃連人參湯 一證

傷寒四五日腹中痛若轉氣下趣小腹者此欲自利也傷寒本自寒下醫復吐下之寒格更逆吐下若食入口即吐者

白頭翁湯 二證

厥陰熱利下重者

厥陰下利欲飲水者以有熱故也

四逆加人參湯 一證

霍亂惡寒脉微一作緩而復利利止亡血也

理中圓 作湯加減法 見本方二證

霍亂頭痛發熱身疼痛熱多欲飲水者五

苓散主之寒多不用水者與此圓 圓不及湯湯法依兩數又

有加減法 見本方

大病差後喜唾夕不了了胃上有寒當以圓藥溫之

通脉四逆加猪膽湯 一證

吐已下斷汗出而厥四支拘急不解脉微欲絕者此湯

燒禪散 一證

傷寒陰易之為病其人身體重少氣小腹裏急或引陰中拘攣手熱上衝胃頭重不欲舉眼中生花 一作膝脛拘急者

枳實梔子湯 一證

大病差後勞復者

牡礪澤瀉散 一證

大病差後從腰以下有水氣者

竹葉石膏湯 一證

傷寒解後虛羸少氣氣逆欲吐者

蜜煎

土瓜根 大猪膽汁 一證

陽明病自汗出若發汗小便自利者此為
津液內竭雖硬不可攻之當須自欲大便
宜蜜煎導而通之若土瓜根及大猪膽汁
皆可為導

白圓子

此廬州湯晦叔法 仲景闕此故載之



此書偶從書友得之初不過重其為宋刻而未知其為何人所著因見直齋書錄解題有傷寒要旨二卷李樞撰列方于前而類證於後皆不外仲景知此是李樞所著也外間無別本刊行故人多不識似此精妙宋刻人皆目為明板惟余則確然信之以白金三兩餘購得卷中明有乾道辛卯歲刻于姑熟郡齋字樣後人以南宋孝宗朝乾道七年鐫板釋之可云有識不知何人妄說以為即非宋板亦是明朝初年書作疑信參半語可云無識目錄後有跋云崇禎甲申元宵蝶卷後孫道允見惠向置亂卷中庚戌端節後雨如瀑布檢出壯衣好云但有一函焉向無墨書姓名圖章又糊塗莫辨未知其為誰何矣今余檢出壯衣好適在癸亥端節竟日雨如瀑布何情景恰相似耶想見讀書人不事他事日以破紙為性命作消遣光陰之計古人與余不同矣寐寔尔黃



此書為乾道辛卯刻于姑熟郡齋其為宋板固無疑義而卷中惟避丸作圓外此若驚若言未有避者宜外人之疑為明刊也頃五柳主人從都中寄余宋板洪氏集驗方余開卷見其行款字樣与此相類閱後刻之姑孰及乾道庚寅云一知一時刊刻故板式相同迨出此相證見每葉記刻工姓名有黃憲毛用等人乃知二書同出二工之手庚辛兩年先後付雕也然二書顯晦有同有不同者此書載諸直齋書錄解題而洪氏集驗方不載洪氏集驗方載諸汲古李氏宋板書目而此書不傳豈非顯晦各異耶茲何幸余之並藏兩書耶且是書失傳已久雖殘編斷簡猶得收而寶之所見亦可謂罕秘矣因再跋數語於卷末甲子冬十一月望前二日



此書不傳于世久矣故各家書目罕載之後從坊間揮探見有傷寒要旨籤急取視之其標題曰傷寒要旨方次行云當塗李權與慈編輯吳會沈子祿承之校正續補知已非李書之舊矣即所載諸方叙次略同而分兩法制較輕重多寡彼此互異益徵此殘宋本之可寶也要旨一卷沈氏未載更為絕無僅有之書安得不視為奇物耶

咸豐丁巳秀水楊象濟觀



圖書在版編目(CIP)數據

傷寒要旨藥方〔宋〕李檉撰.—北京：北京圖書館出版社，2003.9

(中華再造善本)

ISBN 7-5013-2270-8

I. 傷… II. 李… III. 傷寒(中醫) IV.R254.1

中國版本圖書館CIP數據核字(2003)第076247號

ISBN 7-5013-2270-8



9 787501 322701 >

書名 傷寒要旨藥方(全二冊)
著者 〔宋〕李檉 撰

出版 北京圖書館出版社(100034北京市西城區文津街七號)

發行 Tel:(010)66151313 Fax:(010)66174391

E-mail: Btstxb@publicf.nlc.gov.cn

Website: www.nlcpress.com

印刷 金壇市古籍印刷廠

開本 八

印張 二一

版次 二〇〇三年九月第一版第一次印刷

印數 一—二〇〇

書號 ISBN 7-5013-2270-8/K·635

定價 六八〇圓

